



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXLII. Tredecim sextis Feriis a S. Francisco de Paula institutis, vulgo ut
dicitur: La divozione de' tredici Venerdi: Pia exercitia ab eodem S.
Francisco proposita facientibus Indulgentia Plenaria ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

CCXLII.

Tredecim sextis Feriis a S. Francisco de Paula institutis, vulgo ut dicitur: *La divozione de' tredici Venerdi*: Pia exercitia ab eodem S. Francisco proposita facientibus Indulgentia Plenaria concessa.

CLEMENS EPISCOPUS
SERVUS SERVORUM DEI.

Ad perpetuam rei memoriam.

Proccinium.

Adjutor, & susceptor noster Pater Misericordiarum, qui potens est omnia facere superabundanter, quam petimus, aut intelligimus; magna fidelibus adest virtute, cum ad ipsum clamantes illinc in necessitatibus levamen expectant, unde salutis sumperunt exordium: Quamobrem Apostolici muneris nostri partes in iis libenter interponimus, per quæ Fideles, ut præfertur, superstantes bonus odor effecti preces valent effundere suaviores, eisque exinde benedicente Domino votiva promptius proveniant auxilia.

Exercitium
Tredecim
Feriarum a
S. Francisco
institutum.

§. 1. Cum itaque, sicut accepimus, Gloriosus Sanctus Franciscus de Paula Ordinis Fratrum Minorum nuncupatorum Fundator tum in humanis agens, dum nonnulli Christiani fideles suis necessitatibus prospicere cupientes ejusdem sancti Viri apud Deum officia, ac preces postularent; quemdam ipse precandi ritum, vulgo ut dicitur: *La divozione de' tredici Venerdi*: in Domini nostri Jesu Christi, ac Beatorum duodecim Apostolorum gloriam, & honorem eo sensu instituerit, qui sequitur videlicet: *Tredici Venerdi vi confesserete, e riceverete il Santissimo Sacramento nella Messa, che farete dire per quella necessita, nella quale ricorrete al Signore. Recitaretre tredici Pater noster, e tredici Ave Maria in onore, e riverenza di Gesu Cristo benedetto, e de' suoi dodici Apostoli. Porrete due candele di cera bianca nella vostra Messa in segno delle due Virtù, Fede, e Speranza. Terrete in mano un' altra candela accesa, mentre recitaretre l'Orazione, e si dice la Messa, in protestazione della Carità con cui dovete amar il Signore; e chiedergli le grazie, perchè in questa maniera visi concederanno i fini de' vostri giusti desiderj*: Cumque, sicuti pariter accepimus, Misericors Deus piis eorumdem Christianidelium ad præsertiti ritus formam precantium votis ita se propitium exhibuerit, & liberalem, ut ipsi Christiani fideles gratiam in opportuno auxilio facilius invenirent, proptereaque sanctum ritum hujusmodi exercitium a nonnullis Prædecessoribus nostris, ac S. R. E. Cardinalibus, necnon Regia, Imperialique Dignitate fulgentibus Personis, aliisque cujusvis Status, Gradus, & Conditionis Christianidelibus ubique terrarum eo eventu peractum fuerit, & in dies respectivo peragatur, ut via adeundi cum fiducia ad Montem Sanctum Domini, & intra Supernæ exauditionis Sacramentum a præfato S. Francisco monstrata esse noscatur.

Illud peragentibus
propositæ
Indulgentiæ.

§. 2. Nos igitur sanctum ritum hujusmodi exercitium plurimum in Domino commendantes, ipsosque fideles illud devote peragentes specialibus favoribus, & gratiis prosequi volentes; Supplicationibus etiam pro parte dilecti filii Idelsonsi Gutierrez Gavino Procuratoris Generalis, seu Zelosi dicti Ordinis nobis super hoc humiliter porrectis inclinati; De Omnipotentis Dei misericordia, ac Patrum Petri, & Pauli Apostolorum ejus auctoritate confisi omnibus, & singulis utriusque sexus Christianidelibus, qui in tredecim sextis feriis a præfato S. Francisco de Paula, ut præfertur, institutis vere poenitentes, & confessi, ac Sacra Communione refecti fuerint; semel tantum in anno in una ex dictis tredecim sextis feriis per eos ad cujusque libitum respective eligenda Indulgentiam plenariam, ac omnium, & singulo-

rum peccatorum suorum veniam, & remissionem Apostolica auctoritate misericorditer in Domino, tenore præsentium perpetuo concedimus, & enlargimur; in singulis vero ex reliquis tredecim sextis feriis hujusmodi septem annos, & totidem Quadragenas de eis injunctis, vel alias quomodolibet debitis poenitentis Apostolica auctoritate, & tenore similibus etiam misericorditer in Domino relaxamus.

Derogatio
Contrario-
rum.

§. 3. Non obstantibus nostris, & Cancellariæ Apostolicæ Regulis, de Indulgentiis, & clausulis in illis ponendis, aliisque Constitutionibus, & Ordinationibus Apostolicis, ceterisque contrariis quibuscumque, præsentibus perpetuis futuris temporibus duraturis.

Transumptis
danda si-
des.

§. 4. Volumus autem, quod earumdem præsentium transumptis etiam impressis Procuratoris Generalis, seu Zelosi dicti Ordinis, vel Notarii publici, & Personæ alicujus in Dignitate Ecclesiastica constitutæ, vel pro tempore existentis Correctoris Generalis dicti Ordinis sigillo munitis eadem prorsus fides ubique locorum in Judicio, & extra adhibeatur, quæ adhiberetur eisdem præsentibus, si essent exhibitæ, vel ostensæ.

Dat. die 24.
Septembr.
1738. An. IX.

Datum Romæ apud S. Mariam Majorem Anno Incarnationis Dominicæ millesimo septingentesimo trigésimo octavo Kalendis Octobris Pont. nostri Anno IX.

Ph. Frigerius. -- M. Ferravilla.
V I S A.
M. A. Caffarellus.
A. Melocardus.

Loco † Plumbi.
Registrata in Camera Apostolica.
F. A. Paulettus R. C. A. Secretarius.

Moderatio cujusdam Decreti particularis Congregationis super ejectione Religiosorum Ordinis Fratrum Eremitarum S. Augustini Provinciarum Indiarum.

CCXLIII.

CLEMENS PP. XII.

Ad futuram rei memoriam.

§. 1. **E**xponi Nobis nuper fecit dilectus Filius Nicolaus Antonius Schiaffinati Prior Generalis Ordinis Fratrum Eremitarum Sancti Augustini, quod alias, nempe die 24. Julii 1694. in Congregatione particulari nonnullorum tunc existentium S. R. E. Cardinalium a se. re. Innocentii Papæ XI. Prædecessore nostro ad instantiam tunc pariter existentis Procuratoris Generalis ejusdem Ordinis deputata pro moderatione Decretorum de Apostatis & ejectis a Congregatione tunc quoque existentium Cardinalium Congregationis Concilii Tridentini Interpretum, & a bo. me. Urbano Papa VIII. itidem Prædecessore Nostro editorum sancitum fuit inter alia, ut facultas in dictis decretis de anno 1624. Prioribus, & Magistris Generalibus Ordinum Regularium concessa ad eiciendos incorrigibiles de consilio, & assensu sex ex gravioribus Patribus in Congregationibus generalibus eorumdem Ordinum eligendis, etiam ad Priores, & Ministros Provinciales extenderetur, qui electis pariter in Congregationibus Provincialibus sex gravioribus de Provincia Religiosis a Generali Ordinis pro tempore existente confirmandis, de illorum consilio, & assensu causas hujusmodi cognoscere, & ad effectum ejiendi incorrigibiles suæ Provinciæ, & ejectionem pronuntiandi, accedente approbatione Generalis, definiri deberent, salva tamen semper hujus Sanctæ Sedis, & ejusdem Congregationis in casu recursum, & appellationis auctoritate.

A Congregatione Particulari editum Decretum super modo cognoscendi causas ejiendi ab Ordine incorrigibiles.

§. 2. Cum autem, sicut eadem expositio subjungebat in Provinciis Indiarum ejusdem Ordinis ob summam earum ab hac Alma Urbe

Conditiones in præfato Decreto appositæ in